

լով զանոնք՝ կը ծանրանային նաև վանքին վրայ, շատցնելով անոր պարտքը (Դարակաղցի էջ 321—322, Ստալան. էջ 665): Յովհաննէս կթղ. 1614ին ուխտաւորութեամբ կրկին կ'այցելէ Ս. Յակոբի վանքը, շնորհաւորելու համար Գրիգոր պտրք. Պարոնտէրը. և այդ առթիւ ալ Ս. Յակոբի տաճարին մէջ սըրբաւոյս միւռոնի օրհնութիւն կը կատարէ Ս. Աստուածածնի տեսուչ Ասորոց եպս. ին և բազմախուռն հաւատացեալներու ներկայութեանը: Նոյն տարուոյ Աւագ Հինգշաբթի օրն, Ասորոց եպս.ն ալ, հաճութեամբ Յովհաննէս կթղ.ին եւ պտրքին. իրենց ծիսին համաձայն, Ս. Յարութեան տաճարին մէջ միւռոն կ'օրհնէ. Յովհ. կթղ. ին և Դաւիթ և Գրիգոր պատրիարքնէքու ներկայութեան (Սաւալան, էջ 675): Յովհաննէս կթղ. Այնթապցի գրած է Կիլիկիոյ կարողիկոսներու պատմութիւնը (այժմ անյայտ), ինչպէս կը վկայէ Կիլիկիոյ Աջապահեան եփրեմ կաթողիկոսը (1771—1785. Տաշ. Յուլ. էջ 358), Այնթապցիին ինֆլուպիւր կենսագրութիւնը կը գտնուի իր Եսայի եւ թուղթք Պաղասի խորագրով ձեռագիրին յիշատակարանին մէջ (Տաշ. Յուլ. էջ 394): Իր վարդապետութեան՝ Սոոյ մէջ ընդօրինակած է 1586ին Մեկն. Երգ երգոցի եւ Քերակոսութիւն ձեռագիրը, որ կը գտնուի վանքին մէջ (ՄՁ. Թ. 958): Յովհաննէս կթղ. Ատանայէն Սիս գացած ժամանակ ճանապարհին կը հիւանդանայ և կը վախճանի ու մարմինը կը փոխադրուի Սիս (Դարակաղցի. էջ 331, տե՛ս իր վարքը. Անդ. էջ 332):

ՅՈՎՀԱՆՆէՍ ԿԹՂ. ՍՍՈՅ, ԹԼԿՈՒՐԱՆՅԻ (Տիարպիխի հարաւային կողմը). — (1489—1525). Ծ. ԺԵ. դարու կիսուն: Համաձայն յիշատակարաններու Յովհ. կթղ. Թլկուրանցին երկար ժամանակ Ս. Յակոբի վանքը մնալով՝ անձամբ ղեկավարած է վանական գործերը. վանքին Ս. Թորոս եկեղեցիին Ս. Կարապետ Կոչուող պահարանին պատին վրայ կը գտնուի արձանագրութիւն մը խաչաքարի վրայ. որուն ծայրը կտորած է, և թուականը անհետացած քանի մը բառերով: Արձանագրութիւնը հետեւեալ կերպով կ'սկսի. «Յիշատակ է խաչս Յովհաննէս կաթողիկոսին Թլկուրանցուոյն և ծնողացն Ղուկասին...»: Ասով կը վկայուի թէ Յովհաննէս կթղ. Ս. Յակոբի մէջ պաշտօնավարած է: 1517ին կը յիշուի դարձեալ Յովհաննէս եպս. մը, որ փոխանորդ Թէրայիտ-